

GJALDSKRÁ

vegna hundahalds í Eyrarbakkahreppi fyrir árið 1984.

1. gr.

Leyfisgjald fyrir undanþágu frá banni við hundahaldi í Eyrarbakkahreppi skv. 2. gr. b. í samþykkt um hundahald í Eyrarbakkahreppi, sem staðfest var 5. apríl 1976, skal vera kr. 1 500,00 fyrir árið 1984.

2. gr.

Ofangreind gjaldskrá Eyrarbakkahrepps staðfestist hér með samkvæmt 22. gr. laga nr. 50/1981, um hollustuhætti og heilbrigðiseftirlit, sbr. lög nr. 7/1953 um hundahald og varnir gegn sullaveiki.

Heilbrigðis- og tryggingamálaráðuneytið, 8. apríl 1984.

F. h. r.

Jón Ingimarsson.

Ingimar Sigurðsson.

REGLUGERÐ

um breyting á reglugerð nr. 367 22. mars 1976 um bátaábyrgðarfélög.

1. gr.

1. mgr. 14. gr. orðist svo:

Þegar greiddar eru tjónabætur, aðrar en bætur fyrir alaskaða, skal ávallt draga frá hverju einstöku tjóni sjálfsábyrgð kr. 710,00 margfaldað með rúmlestatölu skipsins, þó eigi lægri tölu en 25 rúmlestir og eigi hærri tölu en 85 rúmlestir. Grunntalan 710,00 breytist í samræmi við verðbreytingar, er kunna að verða eftir að reglugerð þessi tekur gildi og leiða til breytinga á váttryggingarverði nýrra skipa.

2. gr.

3. mgr. 31. gr. orðist svo:

Ef skip hefur staðið á landi eða verið lagt tryggilega fyrir festum á öruggum stað, sem félagið tekur gildan, eða slík landstaða eða hafnarlega hefur varað í að minnsta kosti einn mánuð samfleytt, skal endurgreiða hluta af iðgjaldi skipsins.

Endurgreiðslan skal vera 0,20% af ársiðgjaldi skipsins fyrir hvern dag, ef skipið hefur staðið á landi, og 0,15% af ársiðgjaldi á dag ef það hefur legið í höfn. Hver mánuður reiknast 30 dagar og allt árið 360 dagar. Ef tjónbætur á váttryggingarárinu fara fram úr helmingi ársiðgjalds, fellur endurgreiðslan niður fyrir það váttryggingarár. Ef skip hefur orðið fyrir tjóni, sem nemur minna en helmingi ársiðgjalds, má endurgreiða iðgjald, þó aldrei meira en svo, að samanlögð endurgreiðsla og tjónbætur fari ekki fram úr helmingi ársiðgjalds. Hafi skipið orðið fyrir alaskaða, skal endurgreiða hluta af iðgjaldi þess til loka ársins með sama hætti og ef skipið hefði legið í höfn.

3. gr.

Reglugerð þessi er sett með stoð í lögum nr. 91 31. desember 1975 og skal gilda frá og með 1. janúar 1984.

Heilbrigðis- og tryggingamálaráðuneytið, 20. apríl 1984.

Matthías Bjarnason.

Jón Ingimarsson.

Staðfesting forsetans á skipulagsskrá fyrir Hjálparsjóð Ármúlafjölskyldunnar, útgefin á venjulegan hátt, að mandatum, af dómsmálaráðherra 7. maí 1984.

Skipulagsskráin er þannig:

SKIPULAGSSKRÁ fyrir Hjálparsjóð Ármúlafjölskyldunnar.

1. gr.

Stofnendur sjóðsins eru hjónin Svavar Ellertsson og Sigríður Sigurðardóttir, fyrrum eigendur og ábúendur nýbýlisins Ármúla í Staðarhreppi, Skagafjarðarsýslu og skal heiti sjóðsins vera Hjálparsjóður Ármúlafjölskyldunnar.

2. gr.

Stofnframlag sjóðsins er kr. 20 000,00. Sjóðurinn tekur við frekari framlögum stofnenda og afkomenda þeirra og skulu slík framlög leggjast við stofnframlagið. Auk þess skal ¼ hluti vaxta árlega leggjast við höfuðstólinn.

3. gr.

Af vaxtatekjum sjóðsins skulu $\frac{3}{4}$ hlutar árlega greiddir til Hjálparstofnunar kirkjunnar, sem ráðstafi fénu í eitthvert eitt neðangreindra verkefna hverju sinni: 1. sjúkraskýli, 2. skólabyggingu, 3. námsstyrk til landbúnaðarnáms.

4. gr.

Sjóðurinn skal vera í vörslu Búnaðarbanka Íslands á Sauðárkróki og ávaxtaður þar með hæstu mögulegum vöxtum á hverjum tíma.

5. gr.

Stjórn sjóðsins skulu skipa: bankastjóri Búnaðarbankans á Sauðárkróki, sýslumaðurinn í Skagafjarðarsýslu og sóknarpresturinn á Sauðárkróki.

6. gr.

Skipulagsskrá þessari má ekki breyta nema með einróma samþykkt sjóðsstjórnar og með samþykki Hjálparstofnunar kirkjunnar og biskups.

Leita skal staðfestingar forseta Íslands á skipulagsskrá þessari.

Sauðárkróki 2. apríl 1984.
Sigríður Sigurðardóttir.
Svavar Ellertsson.